

GOV-HER-NANCE

“Gov-her-nance” बुलेटिन, धनगढी उप-महानगरपालिकाक कैंयो समुदायमसे सिमवाटल हल्ला, नागरिक हुकनक जिज्ञासा ओ प्रश्न सिमोदक तथ्य पता लगाक, सक्कु नागरिक हुकन सूचित कर्ना काम कर्ता । हम्न यी बुलेटिनके माध्यमसे महिला (जन्निनक) ओ लैङ्गिक अल्पसंख्यकक मुदाहन बाहेर लावक उपमहानगरवासी ओ उपमहानगरपालिकाबीचम रहल सूचनक दूरी कम कराक लैङ्गिकमैत्री उपमहानगरके अवधारणह पूरा कर्ना लक्ष्य लेल बाटी ।



धनगढी उपमहानगरपालिका वडा नं. २ के बुर्हाइल मनैन् इण्डुर लुगा बाँट ।

तस्वीर : रत्ना विष्ट

धनगढी उपमहानगरपालिका आर्थिक वर्ष (बरस) २०७७/७८ म लैंगिक समानता ओ सामाजिक समावेशीकरणक लाग् अलाइल बजेट ओ कार्यक्रम



लैंगिक हिंसा हटैना ओ लर्कनके संरक्षणसे जोरगिल जनचेतनामुलक कार्यक्रम करैना

रु. १,००,०००



लैंगिक हिंसा हटाइक लाग ठारुन् ह (पुरुष) ३ दिनके सशक्तीकरणके तालिम डेना

रु. २,००,०००



लैंगिक हिंसा ओ प्रजनन् स्वास्थ्यसे जोरगिल ७ दिनके तालिम डेना

रु. ३,५०,०००



हिंसाम परल ओ द्वन्दम परल मनैन् मनोपरामर्श तालिम डेना

रु. १,५०,०००



हिंसाम परल जन्निन् न्यायसे जोरगिल अन्तरक्रियाम जोर्ना

रु. २,००,०००



धनगढी उपमहानगरपालिका वडा नं. ७ के महिलाहुकन् आत्मरक्षा तालिम (तेक्वान्दो) डेना

रु. ५०,०००



सचेतनामुलक कार्यक्रम ओ अभियान चलैना

रु. १,००,०००



स्थानीय तहके लैंगिक हिंसा निवारण कोषम रकम

रु. १,००,०००

स्रोत : <https://dhangadhi.susasan.org/mun-detail/programmes>

हल्ला ओ तथ्य

मै का सुन्ल बाटुँ कलसे काम करुइया जन्निन् (श्रमिक महिला) सुत्केरी छुट्टी मिलिठन हूँ ! का छुट्टीके रुप्या फे भेटइठ ? कै दिनके लाग छुट्टी मिलिठन ?



अवसाह/पैनाहा (गर्भवती) जन्निन् लर्का जमैनासे आघ ओ पाछ १४ हप्ता छुट्टी मिलिठन । प्रसूति छुट्टी लिहुइया कामदार जन्निन् ६० दिनके पूरा रुप्या भेटैठ । उहीसे ब्यार नि भेटैठ । कबुकाल लर्कनह थप आराम चाहना ब्यालाम डक्टर्वनके (चिकित्सक) सिफारिसम काम डेहुइया मलिकवा प्रसूति छुट्टीक् सँडसँग हुइटीरलक १४ हप्तक छुट्टीम थप एक महिना बिनातलबके छुट्टी डेना ओ और छुट्टीम मिलैना कैक छुट्टी डेह मिलना नियम बनागैल बा । अटकेल नाहीं ठारु (पुरुष) कामदारके जन्निन् पैनाह हुइलसे काम कर्लक रुप्यक्सँडसँग १५ दिनके प्रसूति सहेर्ना छुट्टीफे मिलिठन ।

श्रोत : श्रम ऐन, २०७४


न्यायिक समिति दुःख पाइल जन्निन् (पीडित महिला) ओ हुकनके लर्कनके सुरक्षाके लाग असिनखाले आदेश देह सेकठा :

१. पीडितहुकन हूँक्र बैट्ठी रहल घरम खैना, बैठना, घल्ना अनुमति डेना ओ हूँकनके शारीरिक शोषण निकर्ना ओ मजा व्यवहार कर्ना ।
२. पीडितहुँकन शारीरिक ओ मानसिक हुइलम बिर्वा करैना व्यवस्था कर्ना ।
३. आवश्यक परलम पीडितके लाग एक्ठो वैकल्पिक घर ओ खैनाके व्यवस्था कर्ना ।
४. पीडितह कौनोफे दुर्व्यवहार ओ खतरा निहो कैक ठोक्वा कर्ना ।
५. पीडितके मजाके लाग और आवश्यकता फे पूरा कर्ना ।

हिंसाक्विरुद्ध बोल्लसे अपन ओ आपन लर्काफे खतराम पर्थ । का उजुरी कर्लसे स्थानीय तहके न्यायिक समिति महीं बचाइ (सुरक्षा) सेकी ?



श्रोत: स्थानीय सरकार सञ्चालन ऐन, २०७४



गर्भवती जन्निन्के लाग धनगढी उपमहानगरपालिका बिनारुप्यक् अल्ट्रासाउण्ड फे कैडेना बाट सही हो का ?

धनगढी उपमहानगरपालिकाँ "ग्रामीण महिला विकास" कार्यक्रमके ओसे गर्भवती महिलन् बिनारुप्यक् अल्ट्रासाउण्ड सेवा डेना फुलबारी स्वास्थ्य चौकी वडा नं. १२ म अल्ट्रासाउण्ड मसिन बनाडेल बा । जन्निन् पैनाहा हुइलब्याला यी सेवा लिह सेकहीं । यी सेवा लेककलसे एक्को फे रुप्या निलागि ।

श्रोत : जगन्नाथ पन्त, प्रमुख प्रशासकिय अधिकृत, धनगढी उप-महानगरपालिका, कैलाली

ठर्वा डारु पिक सटाइल कारण से टिका घरेलु हिंसासे दुःख पैटी आइल बाटी

धनगढी उपमहानगरपालिका वडा नं. ७ अस्थायी रुपमा बैठी अइलक जोशीपुर, कैलालीक् टिका चौधरी (नाउँ और) पैलहेसे घरेलु हिंसासे दुःख पैटी आइल बाटी । ज्याला मजदुरी कैक गुजारा चलैना चौधरी आपन ठर्वासे असिन दुःख पैटी आइल बाटी ।

लगभग ३० वर्ष पुगस्याकल टिकाह हापन जर्मल तिथिमिति कुछ पटा नै हुइटिन् । ऊ पर्हललिखल फे नै हुइटी । हुँकहिन् हिंसासे जोरगिल समस्याके समाधान कहाँ कैजाइठ कैक फे पटा नै हुइटिन् ।

तेजराम चौधरी (नाउँ और)से मागी भ्वाज कैक आइल टिकाक् दुइठो लर्का बाटिन् । बर्का छावा १३ वर्षक् बाटिन् कलसे छोटका छावा ८ वर्षक् हुइलिन् ।

भ्वाज हुइलक ५/६ महिना ट ठर्वा मजा मन्लिन् । लेकिन, पाछ मइवा होक सटाइ ललिलन् । आजकाल ठर्वा डारु पिक सइड पिठिन् । ज्याला मजदुरी कैक सइड ४ सय ७५ रुपया लव्ना ठर्वा लैलेठिन् । इनु छावन् फे अप्णह मजदुरी कैक पहैठिन् ।

जनयुद्धक् ब्यालाम संघरेन्के सँड लाक युद्धमा लागल टिका बीचम छोरडेलिन् । युद्धम लागल ब्याला सँगरना संघरेन्फे सटैलिन् । ओहओर्से ऊ उहाँसे भाली । आजकाल ठर्वा मेहर्वाङ्के अलगा अलगा चुल्हा बाटिन् । हुँकनक् आपन् जग्गा फे निहुइटिन् । औरजन्हक जग्गाम घर बनाक बैठल बाट ।

बिहान बिहान जग्गा मलिवक् घर सफा कर्ना काम करुइया टिका बिहानक सक्कु काम ओराक आपन कामम निक्ठिन् । बहुत आघसे ठर्वसे सटावा पैलकम हुकहिन आब अलगा हुइना मन बाटिन् । ठर्वा सटैलकओर्से छावन्के पहाइ बिगल ओ बर्का छावा फे बिगारजाइकि कना बराभारी चिन्ता बाटिन् । टबमार हुकहिन् आपन ठर्वासे अलगा हुइनास लठिन् । लेकिन, कानुनी डगार हुकहिन पटा नै हुइटिन् । आजकाल ट पालिका फे असिन बाटम उजुरी लेठा कैक पटा पाररुली टब पालिका जाक उजुरी डर्ना सोच बनैल बाटी, ऊ ।

“ भ्वाज हुइलक ५/६ महिना ट ठर्वा मजा मन्लिन् । लेकिन, पाछ मइवा होक सटाइ ललिलन् । आजकाल ठर्वा डारु पिक सइड पिठिन् । ”

समुदायके प्रतिनिधी आवाज



गीता पन्त

वडा सदस्य,

धनगढी उप-महानगरपालिका वडा नं. १०

म्वा बाबा सामाजिक कामम लागल रलह । बाबा महीहन छुटिहसे सामाजिक सेवाम लाग पठा कैक सिरखैल । भगवान्के लिला कना हो कि का कना हो , म्वा ठवा फे बाबक् जस्ट समाजमा विश्वास जिटल मनै पर्ल । मै इनुजहनसे प्रभावित होक समाजके लाग कुछ कर्ना मन बा । और जहनके सेवा कर पैटुं ट मही बरा खुशी लागट । मै महिला कोटासेफे चुनाव जिट्क आइल हुइटुं । म्वा क्षेत्रमा ज्याडाजसो जनजाति समुदायके मनै बैठ्ठ । शिक्षा वा और बाटम फे म्वा समुदाय कुछ पाछ परल बा । म्वा लक्ष्य कलक हुँकनके जीवनस्तर मजा बनैना हो ।

मही लैंगिक हिंसासे जोरगिल मुद्दाओर ज्याडा मन जाइट । मही यी मुद्दा महिलनके किल नाही ठारुनके (पुरुष) फे हो कना जस्ट लगठ । ओहओरसे लैंगिकताके मुद्दाम आवाज उठाइकलाग एकजुट हुइकपर्ना जरुरी बा ।



रत्ना विष्ट

न्यायिक समिति सदस्य

धनगढी उप-महानगरपालिका

मही म्वा परिवारसे मजा साथ ओ सहयोग बा । मही पटा बा, परिवारसे सक्कु जन्नि मनै म्वा जस्ट साथ ओ सहयोग नै पैठ । मै घरक काम ओराक छलफल ओ बैठकम सहभागी हुइटुं । मौका परलम फरक फरक ठाउँमा हुइना छलफल ओ कार्यक्रमम फे सहभागी हुइपर्ठ ।

मै सवारीसाधन चलाइ निजन्ना हुइलकओसे ठारु मनैनके साहारा लेहपर्ठ । असिक न्यागबेर समाजके मनै निमजा नजरले हेठ । असिन बाटले मही कबु कबु दुखी बनाइठ । सामाजिक विकास रह चाहा और क्षेत्र जहाँफे ठारुनके (पुरुष) संख्या ज्याडा हुइलकओसे महिला हकहितसे जोरगिल

निर्णय कर्ना हमन बरा कर्ना बा । हुइना ट पैलक तुलनाम हेर्ना हो कलसे आजकाल महिला वा लैंगिक अल्पसं(स्यकहुकनके लाग ह्यारसे ह्यार कार्यक्रम आ रहल । यदि हम महिलामैत्री कार्यक्रमके अवधारणा लवना हो कलसे पक्कै फे लैंगिक समावेशीकरणके मुद्दा ह और प्रभावकारी रूपम लान सेवजाइ ।





DISCLAIMER

यी अंकमा सिमेट्रिअल जानकारी समुदायम काम कर्ति रहल स्वयंसेवक, अनलाइन माध्यमसे लेहल आधिकारिक स्रोत, सरकारी कार्यालय ओ अकाउन्टबिलिटी ल्याब नेपालके फेलोसिमअन्तर्गत काम कर्ति रहल महिला समूहके कैयौठे मनैनसे प्रत्यक्ष ओ अप्रत्यक्ष रूपमा बढ्वाक तयार कैगिल हो । विषयके महत्व, सान्दर्भिकता ओ धनगढी उपमहानगरपालिकाम पारसेवना सकारात्मक प्रभावह ध्यान डेक यी विषयवस्तु छान्गिल बा । यी अंकमा सिमेट्रिअल जानकारी बुलेटिन प्रकाशित हुइल मितिसम् सत्य बा ।

“Gov-her-nance” अकाउन्टबिलिटी ल्याब नेपालले धनगढी उपमहानगरपालिकासँगको सहकार्य र CFLI को सहयोगमा तयार गरिएको हो ।